



Universitätsbibliothek Paderborn

R. P. D. Ioannis Ivsti Lanspergii, Natione Bavari, Illvminati Ac Religiosissimi viri, Carthusiae Coloniensis ante annos centum Vicarii, & Magistri Nouitiorum laudatissimi Opera

In Qvinque Tomos Distributa, à mendis expurgata, veteri integritati
restituta, & indicibus locupletata

In Passionem D.N. Iesv Christi Homeliae quinquaginta sex, Theoremata
viginti octo, totidemque sermones. In Monotesseron Praeterea Eivsdem
Passionis Dominicae, iuxta Euangelistarum & historiae fidem, Elucidatio.
Conciones ad Haec Paraeneticae in praecipuis anni & Sanctorum
festiuitatibus habitae

Landsberg, Johannes Justus

Coloniae Agrippinae, Anno M.DC.XXVIII

Iesus vita sanctissima & innocentissima vt petatur & damnetur ad
mortem.

[urn:nbn:de:hbz:466:1-47113](https://nbn-resolving.org/urn:nbn:de:hbz:466:1-47113)

ter fusi culpam suscipere, sed in Iudæos detorquere, qui se ad iudicandum cō-
pellerent. Verùm nihil hæc verba Pilatum excusabant: dixerat enim paulò
ante, in potestate sua situm, vt vel Iesum interficeret, vel illæsum abire si-
neret. Verùm Iudæi nihil hic delicti æstimantes, inuidia eos prorsus excæ-
cante: *Sanguis eius*, inquit, *super nos, & super filios nostros*. Hoc est, propter
hunc scrupulum nihil timeas Pilate. Hæc conscientia tua, licet paganus sis, er-
ronea atque nimis stricta est. Quicquid hic delicti est aut esse potest, in nos su-
scipimus. Esto tu (vt vis) immunis liberq; à peccato. Totum in nos redundet
& in filios nostros. Est tamen alius quoque verborum istorum adhuc sensus
(quem nolumus præterire) æquè impius, vt ex furore inuidiæ odijq; letalis
dixisse intelligantur, se paratos mala quæcunq; euenire possent, potius exci-
pere, quam illi vitam fauere, vt sit sensus: *Sanguis eius super nos &c.* ac si dice-
rent: Occidatur, expectabimus quid sit nobis inde futurum: eneniat quicquid
euenierit, fiat quod futurum est, modo interficiatur: si cui nocitura est eius
mors, nobis noceat: in nos omne periculum excipimus. Hæc certè impreca-
tio non impune Iudæis euenit. Post quadraginta namque annos malis vindi-
que confluentibus circumdati sunt. Capiiebantur, cremabantur, præfocati
sunt aquis, deuorandi obiciebantur bestijs, ciuitates eorum expugnata vā-
stabantur: & qui gladium, famem, bestias, aut ignem euaserunt, venditi atque
dispersi sunt per vniuersum mundum. Pilatus igitur audiens quia in se Iudæi
reciperent mortem innocentis, adiudicauit fieri petitionem eorum. Tradi-
dit enim Iesum voluntati eorum.

Sanguinem
Christi
quam impie
Iudæi super
se imprecati
fuerint.

Sanguinis
Christi vlti-
tio quam
grauiter
super
Iudæos
venit.
Lucæ 23.

*IESV VITA SANCTISSIMA ET INNOCE-
ntissima vt petatur & damnetur ad mortem.*

Hinc sequitur articulus, qui ita potest formari: Qui tam innocentes
quam reos morti destinatos, à morte misericorditer liberat, mortis
nunc subiicit sententiam. Quod innocentes morti destinatos Dominus
liberet, sic cupis scire, recole Daniëlem in lacu Leonum liberatum. Susanna
quoque castissima tibi in mentem veniat: quorum Dominus intuens innocen-
tiam inique damnatam, non modò liberauit à morte, verum etiam hono-
ratiorem quam fuerat ante cunctisq; prædicandam effecit. Quod verò morti
obnoxij opem tulerit, misericorditer eos à morte liberans, & vitam quam
debuerant amittere, illis seruans, testatur mulier illa in adulterio deprehen-
sa, sibi adducta, cuius ipse innocentia atque vereturia (vt est clementissimi
cordis) compatiens, non à morte tantum liberauit, verum etiam aduersario-
rum & accusantium præsumptionem (vt pote scribens in terram, vbi vnus-
quisq; sua duntaxat legere posset peccata) confutauit. Nobis quoque omni-
bus æternæ morti destinatis, ad eò pepercit, vt innocentiissimus ipse, imò ipsa
innocentia, mortis sententiam nobis auferret, sibi imponeret.

Dan. 8 14.
Daniel. 13
Morti ad-
iudicatos
tam inno-
cens quam
reos, mise-
ricorditer
à Christo
fuisse libe-
ratos.
Ioan. 8.

Precatio pro charitate erga inimicos.

Infunde nobis quæsumus, clementissime Iesu spiritum perfectissime charitatis, quo
de omni proximo benè sentiamus, & ad omnes homines misericordes compatiem-
tesq; & debita quæcunq; remittamus, & pro malis bona retribuamus, qui es be-
nedictus in secula, Amen.

Ec

DE